

# Labamento di hero

ORANJESTAD (AAN) For di e temporada cu comerciantenan Arubiano a cuminsa progresa cu nan mesun negoshinan, envidia den combinacion cu politica partidista y persecucion politico a pone cu yiuna di tera tabata wordo tilda di tabata meti den labamento di placa.

Mayoría hende y mayoría politico no tabata tin ni nocion kico labamento di placa tabata encera, pero el a bira un cabay di campaña pa lastra tur hende cune cu no tabata bay ciegame na amen di politica partidista y un ehempel bibo di tal maneho tabata loke a wordo haci bao di liderazgo di Martin Ras den Seguridad Nacional.

Tur sorto di raport negativo a wordo traha contra un cantidad grandi di comerciante y te hasta na yiunan menor di edad te awe rond mundo ta registra den computernan di servicionan di inteligencia y kico a pasa cu e difamacionnan ey?

Nada a wordo haci pa rehabilita esnan cu a wordo persigui y perhudica y Martin Ras a wordo busca bek di Hulanda door di gobierno di MEP despues cu e mester a bay biba algun aña den scondi na Hulanda pa loke el a haci na Aruba y awendia dia e ta traha na DINA manera nunca di su bida el a yega di kibra un copi.

E temporada di labamento di placa a pasa pasobra masha poco pueblo ta haya di tende cu tin labamento di placa y MOT cu LOT cu

gobiernonan a bin cune te awe no a logra di gara nada particular riba tereno di labamento di placa y Zona Franca di Aruba a wordo manda pa complace podernan ageno.

Kende a sufri al final di tur e maniobranan ey y e politica maligno?

Ta pueblo di Aruba ta esun cu a sali perdi y kico pueblo lo bay haya di tende di awor pa dilanti?

Atrobe e campaña di difamacion a start y awor no ta labamento di placa ta e cabay di campaña pasobra aparentemente awor tin labamento di hero.

Cualquier hende cu sano huicio lo puntra su mes ta kico ta labamento di hero anto?

For di fuentenan politico informacion a sera haya cu tin hende cu lo tin documentonan pa saca e siman aki riba un asunto di hero / metal y den cual negoshi lo tin labamento.

Esaki lo bay den historia

como labamento di hero pero pregunta ta keda; ta kende e biaha aki ta na turno pa ta e victima di persecucion politico?

Esnan cu lo kier bin cu documentonan y storianan encuanto negoshi di hero mester puntra nan mes bon prome den kico nan a hinca nan mes pasobra informacionnan cu DIARIO ta compilando ta muestra cu ta net esnan cu ta kere di por bay difama otro hende lo haya nan mes cu cara abao.

Tin hende den partido politico cu lo haya ril di curpa ora cu cierto documentonan cuminsa leak encuanto negoshi di hero / metal.

No por ta asina cu mientras un hende ta forma parti di bo organizacion, cu e ta bon hende y bon mira y manera cu el a dicidi di bandona bo seno pasobra el a wordo maltrata na un forma inhusto, anto diripiente tur sorto di documento lo bay sali riba caya contra dje.

Esnan cu ta kere di por bin cu

documentonan lo bay haya nan mes confronta e siman aki cu sorpresa segun informacionnan cu ta circula riba caya, pero e pregunta cardinal ta; kende na Aruba ta esnan cu ta meti den

labamento di hero?

Keda pendiente pasobra aparentemente nomber di por lo menos un politico grandi lo ta wordo menciona den e caso aki.

## Tata a dicidi di bay cu su yiu

ORANJESTAD.(AAN):Na Savaneta un señora a pidi asistencia di Polis.

Patruxa mientras tanto a presenta na residencia di e señora di inicialnan D.C.M.K. di 19 aña.

Segun declaracion di e señora, e homber cu cual e tabata comporti su bida a bay cu su yiu muher.

E homber tin 6 luna caba cu el a bandone y awor mientras tanto e señora a dicidi di hinca un otro homber den cas.

E señora a sigui conta polis cu su ex a haya sa di esaki y a rabia masha.

Pa cual su ex a dicidi di presenta y a hisa e yiu y bay cune.

E señora tabata desea pa Polis intermedia pa su ex debilbe e yiu.

Polis despues di a scucha e version y e peticion a bay na un percela situa den Weg Sero Blanco y na unda a logra localiza e e homber di inicialnan S.G.

Durante di intermediacion e homber a compronde e situacion apesar e lo a rabia y mirando cu entre nan dos e relacion a termina el a dicidi di entrega polis e yiu.

El a laga sa tambe na polis cu e lo no molestia su ex mas, e lo ta considera esaki pa pasado via di medionan legal lo por yega na un arreglo cu e tata tambe por wak su yiu.

## COMISION PRO SUSHI!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455

**Divide Perfect**

Trifun Premier

**Pancake Maker**

Afl. 14,95

Awor Afl. 8,95